

康熙臺灣府志

第
冊

康熙縣志

卷一

七

康熙臺灣府志卷十

藝文志

宸翰 奏議 公移 序 傳 記 贈 詩

文章經國之大業不朽之盛事六經子史之外凡施諸政事見諸諷詠足以垂世勵俗皆所當尚是以誌集藝文其中

王言如綽崇文德而振武功後以加矣至若章疏移會銘傳詩篇有關世教例得採取然裴行儉有言士先器識後文藝文雖工非品不傳猶視其人何如耳

宸翰

至聖先師孔子贊 并序

美自三才建而天地不居其功一中傳而聖人代宣
其蘊有行道之聖得位以綏猷有明道之聖立言以
垂憲此正學所以常明人心所以不泯也與稽往緒
仰迓前徽堯舜禹湯文武遠而在上兼居師之寄行
道之聖人也孔子不得位窮而在下秉刪述之權明
道之聖人也行道者勲業炳于一朝明道者教忠周
于百世堯舜文武之後不有孔子則學術紛淆仁義
湮塞斯道之失傳也久矣後之人而欲探二帝三王
之心法以為治國平天下之準其奚所取衷焉然則
孔子之為萬古一人也審矣朕巡省東國謁祀闕里
景企滋深敬醵羊而為之贊曰

清濁有氣剛柔有質聖人參之人紀以立行等習察
含道莫由惟皇建極惟后綏猷作君作師垂統萬古
日惟堯舜禹湯文武五百餘歲至聖挺生聲金振玉
集厥大成序書刪詩定禮正樂既窮象繫亦嚴筆削
上昭往緒下示來型道不終晦秩然大經百家紛紜
殊途異趣日月無渝美牆可晤孔子之道惟中與庸
此心此理千聖所同孔子之德仁義中正兼美之好
根本天性庶幾夙夜惕息令圖邇遯殊洵景獨唐虞
載歷度除式觀禮器提毫仰贊心焉遐企百世而上
以聖為歸百世而下以聖為師非師夫子惟師于道
統天衡世惟道為寶泰山巖巖東海泱泱高萬仞

夫子之堂教龜其藩就龜其徑道不遠人志愈作聖

顏子贊

聖道早聞天資獨粹約禮博文不遠不貳一善服膺
萬德來華能化而壽其樂一鼓隨樂四代法法無備
用行舍藏王佐之器

曾子贊

洙泗之傳魯以得之一貫曰唯聖學在茲明德新民
止善為期格致誠正均平以推至德要道實行所履
纂承統緒修明訓辭

子思子贊

於穆天命道之大原詩書動鑒德庸言以育萬物

以贊乾坤九經三重大法是存篤恭慎獨或德之問
卷之藏密擴之無限

孟子贊

哲人其萎揚墨曷熾子與闢之田仁與義性善獨闢
知言養氣道稱堯舜學屏功利煌煌此篇並垂六藝
孔學攸傳禹功作配

御賜靖海將軍侯施 袞章

海氛之不靖鯨鯢出沒波濤震驚濱海居民漁鹽蠶
織耕種之利咸失其業朕心恒憫惻焉通者導黔隴
蜀湖湘而粵忘底救寧叢爾臺灣阻險負固爾施琅
衛命阻狂決策進取樓船所指將士一心遂克島門

通其營窟勇以辱其氣誠以致其歸捷書到關時值
中秋對此佳辰欣聞凱奏餘瀛瑞赤子獲登衽席用
紓南顧之憂惟爾不績即辭是日所御之衣馳賜載
覆以詩島嶼全軍入滬溪一戰收降忱來疊市露布
徵龍樓上將龍室力奇功本伐謀伏波名共美南紀
盡安流

奏議

報入臺灣疏

施 緯 琅

靖海
將軍

題為恭報微臣先抵台灣安輯仰祈

睿鑒事竊惟澎湖克捷臺灣求撫兵民俱已削髮臣業經
前後具疏齎報備述鄭克塽降表進上

御覽應當候

旨欽遵奉行。以出征官兵所需糧餉。督臣即于六月十一日。回省。悉皆臣撥船運洋來。往載運發給。今各鎮營官兵秋季餉銀。後過四十餘日。尚未運到。故未得前去臺灣。如督標所撥付來天貴管坐超增。與帆船船于六月二十二日夜內。來興即帶一二十隻。徑不請令私自逃回。尚五十一隻。配載官兵二千二百五十六名。督臣于閏六月十二日。差參將洪範傳宣楊復功。齎文到澎湖守候。盡行吊回矣。茲本月初八日。偽藩鄭克塽修書差偽副使何士隆。同曾璽。齎送前來。係武平侯劉國軒忠誠伯馮錫範各致書函一封。

到澎湖臣軍前稱說臺郡軍民數十萬恐人心危疑
不一事久生端請臣速去安輯臣卽會商行問各鎮
臣酌派兵船留守澎湖以爲接運糧糈之用臣統率
水陸官兵船隻擬于十一月初駕前抵臺灣詳歷暫
行安輯將臺繫之人先卽裁入內地仍移咨督撫或
胞臨安撫或酌委有司前來料理以仰候
勅差戶兵部臣到時與督撫二臣商酌妥協得宜臣到臺
務察閩土地人民情形另疏題

報更有情者臣左眼自六月十六日被擊眼餘被銃
打傷醫治至今兩月有餘猶昏昧未明勉強在軍調
度剿撫之事內當臣職已盡伏乞

俞吉淮臣班師回汛剿治

俯賜睿裁施行

請留臺灣疏

題為恭陳臺灣棄留之利害仰祈

睿裁事竊照臺灣地方北連吳會南接粵嶠延袤數千里
山川峻峭港道紆迴乃江浙閩粵四省之左臂隔離
澎湖一大洋水道三更餘遙查明季該水澎標於金
門所出汛至澎湖而止水道亦有七更餘遙臺灣一
地原屬化外土番雜處未入版圖也然其時中國之
民潛至生聚於其間者已不下萬人鄭芝龍為海寇
時以為竄聚及崇禎元年鄭芝龍就撫將此地稅與

紅毛為互市之所紅毛遂聯絡土番招納內地人民
成一海外之國漸作邊患至順治十八年為海逆鄭
成功所攻破盤踞其地糾集亡命挾誘土番荼毒海
疆窺伺南北侵犯江浙傳及其孫克塽六十餘年無
時不仰屋

宸衷日奉

帝征討親歷其地備見野沃土膏物產利溥耕桑並耦漁
鹽滋生滿山皆屬茂樹遍處俱植修竹硫磺水蘊糖
蔗鹿皮以及一切日用之需無所不有向之所少者
布帛耳茲則本棉織出經織不乏且舟航四通線纜
踵至飭禦雖嚴終難杜絕寶肥饒之區險阻之域逆

孽乃一旦稟

天威懷

聖德納土歸

命此誠天以未闢之方興資

皇上東南之保障永絕邊海之禍患豈人力所能致失地

方既入版圖土番人民均屬赤子善後之計尤宜周

詳此地若棄為荒陬復置度外則今臺灣人居稠密

戶口繁息農工商賈各遂其生一行徙棄安土重遷

失業流離殊費經營寔非長策况以有限之船渡無

限之兵非閱數年難以報竣使渡載不盡為且塞責

則該地之深山窮谷窺伏潛匿者實繁有徒和同土

番從而嘯聚假以內地之遊軍閭民急則走險糾黨
為崇造舟製器剽掠濱海此所謂藉寇兵而獮盜糧
固昭然較著者甚至此地原為紅毛住處無時不在
彼貧亦必乘隙以圖一為紅毛所有則彼性狡黠斷
到之處善為鼓惑人心重以夾板船隻精壯堅大從
來乃海外所不敢未有土地可以托足尚無伎倆若
以此既得數千里之膏腴復付依泊必倡合黨夥竊
窺遊場逼近門庭此乃種禍後來沿邊諸商難晏
然無虞至時復勤師遠征西涉大洋波濤不測恐未
易再建成效如僅守澎湖而棄臺灣則澎湖孤懸汪
洋之中土地單薄畧于臺灣遠隔金廈豈不受制于

彼而敵一朝居我星臺營卽所以固澎湖臺營澎湖一守萬之治邊水師汛防嚴密各相犄角聲氣關通應援易及一以軍息況昔日鄭逆所以得負抗遁誅者以臺營為老窠以澎湖為門戶四通八達游移肆虐任其所之我之舟師往來有阻今地方既為我得在在官兵星羅密布風期順利尼帆可至雖有奸萌不敢復發臣業與部臣蘇撫臣金等會議之中部臣撫臣未履其地去留未敢進決臣閱歷周詳不敢遽議輕棄者也伏思

皇上建極以來仁風遐揚威聲遠播四海賓貢萬國咸寧日月所照霜露所隊凡有血氣莫不臣服以斯方招

之土美難設守以為東南數省之藩籬且海氛既靖
內地溢設之官兵盡可陸續汰減以之分防臺灣澎
湖兩處臺灣設總兵一員水師副將一員陸師參將
二員兵八千澎湖設水師副將一員兵二千名通
共計兵一萬名足以固守又無添兵增餉之費其防
守總兵副參遊等官定以三年或二年轉陞內地無
致久任永為成例在我

皇上優爵重祿推心置腹大小將弁誰不勉勵竭忠然當
此地方初闢該地正賦雜餉殊宜蠲豁見在一萬之
兵食權行全給三年後開徵可以佐需抑且寓兵於
農亦能濟用可以減省無庸盡資內地之轉輸也蓋

籌天下之形勢必求萬全臺灣一地雖屬外島定關
四省之要害勿謂彼中耕種尤能少資兵食固當議
留卽為不毛荒壤必藉內地輓運亦斷斷乎其不可
棄惟去留之利害攸係恐有知而不言如我
朝兵力比於前代何等強盛當時封疆大臣無經國遠猷
矢志圖賊狃於目前苟安為計畫邊五省邊地以備
寇患致賊勢愈熾而民生顛沛往事不臧延禍及今
致遺

朝廷宵旰之憂臣仰荷

洪恩天高地厚行年六十有餘衰老浮生頻虞報稱未由
熟審該地形勢而不敢不言蓋臣今日知而不言至